

Die Mordachn

Vierhundert Joahr
issä alt woarn
groß und stemmi
und kerngsund
issä gstandn in Wald
an dä Kurvn
vo dä Landstroß
noach Nermberch
dä Achnbaam.

Friehä hodä
Wanderer und Roadfoahrer
unter sein braadn
Blätterdach vor Sunna
Wind und Rehng
gschitzt
wie a Henna
ihri Ziebeli.

Etz hams nan umghaut
wal si scho
dä zweite jungä Borsch'
midn Audo
anna dähutzt hod
blos wallä aweng
schnell gfoahrn is
und dabei die Kurvn
nemmä däwischd hod.

'Die Mordachn'
hams gschriea
'hauts um
die steht unsern Fortschritt
in Wehch.'